



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-664-4/22**
Datum: **12.04.2023. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „KLOSTERMEIER-MAJDAN“ d.o.o. Bosanska Krupa, za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona, izgrađenog u Ulici Plješevića bb, PZ Kamenica – naselje Kamenica u gradu Bihaću, na osnovu člana 139. stav 1. tačka 3. i 10. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „**KLOSTERMEIER-MAJDAN**“ d.o.o. Bosanska Krupa za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za proizvodnju betona sa pripadajućim manipulativnim površinama, izgrađenog na zemljištu označenom kao k.č. broj 2154/5, K.O. Kralje (novi katastarski operat), u Ulici Plješevića bb, PZ u naselju Kamenica , grad Bihać.
2. Ova vodna dozvola se odnosi isključivo na ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada poslovnog objekta definisanog tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta postrojenja za proizvodnju betona – betonare, za sve vrijeme važenja ove vodne dozvole, isti održava u funkcionalnom stanju i koristi u skladu sa njegovom prirodom i namjenom prema dostavljenoj revidovanoj projektnoj dokumentaciji – „Glavni projekat legalizacije proizvodnog objekta i silosa u sklopu kompleksa betonare“ te u skladu sa uslovima iz ove vodne dozvole.
 - 3.2. Da se istrošena ulja, nauljene krpe i sav opasan otpad koji se može pojaviti u proizvodnom procesu i u procesu čišćenja i održavanja postrojenja i radnih mašina redovno prikuplja i propisno, privremeno skladišti u spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.3. Objekte za prikupljanje, tretman i ispuštanje tehnoloških otpadnih voda (taložnici, slivnici, rešetke, kanalizaciona mreža, uređaji za tretman i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.

- 3.4. Da se oborinske vode sa krova objekta kompleksa betonare pokupe i zatvorenim sistemom kanalizacionih cijevi odvedu direktno u recipijent, odnosno, uraditi sve prema projektnoj dokumentaciji iz tačke 3.1. ovog Rješenja.
- 3.5. Da se sa opasnim i štetnim materijama (aditivi betonu, ulja, naftni derivati i sl.) postupa savjesno pri skladištenju, transportu, pretakanju i pretovaru kako ne bi došlo do štetnih posljedica uslijed prosipanja istih.
- 3.6. Da se tokom važenja ovog Rješenja obezbijedi minimalan broj uzorkovanja otpadnih voda iz okna za monitoring (mjerna mjesta definisana projektnom dokumentacijom iz tačke 3.1. i 3.2.), shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav 3. Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti («Službene novine Federacije BiH», broj 14/10, 14/13 i 26/14).
- 3.7. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.8. Ukoliko Vlada Unsko - sanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisne obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 06/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik pravno lice „Klostermeier-Majdan“ d.o.o. Bosanska Krupa je dužno provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima ili postrojenjima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 13. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20) te člana 117. stav (1) Zakona o vodama („Službene novine Federacije BiH“, broj 70/06) se daje sa rokom važenja od 5 godina, od dana pravosnažnosti ovog rješenja.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. i 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „Klostermeier-Majdan“ doo Bosanska Krupa obratilo se ovoj Agenciji dana 26.12.2022. godine sa zahtjevom za izdavanje vodne dozvole za ispuštanje tehnoloških otpadnih voda iz pogona za proizvodnju betona u Ulici Plješevička bb, naselje Kamenica, grad Bihać.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o izmjenama podataka o upisu u sudski registar, broj: 017-0-Reg-20-000656, izdanog dana 29.12.2020. godine od strane Općinskog suda u Bihaću,
- Ovjerena kopija Uvjerenja o poreznoj registraciji, izdanog dana 15.12.2002. godine od strane Federalnog ministarstva finansija, Porezne uprave – Kantonalni ured Bihać,
- Kopija Uvjerenja o registraciji obveznika poreza na dodanu vrijednost, broj: 04/1-UPJR/1-7074-2/07, izdanog dana 01.08.2007. godine od strane Uprave za indirektno – neizravno oporezivanje Bosne i Hercegovine u Banja Luci,
- Kopija uplatnice upravne pristojbe,
- Ovjerena Kopija Rješenja, kojim se daje odobrenje za legalizaciju proizvodnog objekta i silosa u sklopu kompleksa izgrađene betonare, spratnosti P, gabariti objekta 15,70 x 21,36 m – nepravilnog oblika, na građevinskoj parceli označenoj sa k.č. br. 2145/5 k.o. Kralje, po novom kat. operatu, u ukupnoj površini od 3500 m², a koja se nalazi u Bihaću ul. Plješevička bb u PZ naselje Kamenica, investitora „BOB“ doo Bihać; izdanog od strane Službe za urbanističko planiranje, građenje, imovinsko-pravne i geodetske poslove grada Bihaća, pod brojem 03/1-19-2-2554/22, dana 11.10.2022. godine, u Bihaću,
- Ovjerena Kopija Rješenja, kojim se odobrava izmjena imena investitora u odobrenju za građenje broj 03/1-19-2-2554/22 od 11.10.2022. godine, tako da navedeno rješenje glasi na ime „KLOSTERMEIER-MAJDAN“ doo Bosanska Krupa, izdano od strane Službe za urbanističko planiranje, građenje, imovinsko-pravne i geodetske poslove grada Bihaća, pod brojem 03/1-19-2-3731/22, dana 07.12.2022. godine, u Bihaću,
- Kopija prethodno izdatog Rješenja o vodnoj dozvoli izdana pod brojem: UP-I/25-3-40-589-3/14, od strane AVP rijeke Save Sarajevo dana 27.11.2014. godine,
- Kopija Zaključka o odbacivanju zahtjeva za izdavanje vodnog akta PVS izdanog pod brojem: UP-1/21-1-40-306-2/22, od strane AVP rijeke Save Sarajevo dana 29.06.2022. godine,
- Ovjerena Kopija Zemljišnoknjižnog izvadka broj: 017-0-NAR-22-006 239 broj uloška 3089 izdanog od strane Zemljišnoknjižnog ureda Općinskog suda u Bihaću dana 24.11.2022. godine,
- Izvještaj o monitoringu kvaliteta i kvantiteta otpadnih voda pogona za proizvodnju betona „Klostermeier-Majdan“ betonara Bihać broj: 7-376-3307/22 od 05.07.2022. godine,
- Glavni projekat „Legalizacija proizvodnog objekta i silosa u sklopu kompleksa betonare“ investitora „BOB“ doo Bihać, izrađen od strane ovlaštenog projektanta „Euroing“ doo Bihać pod brojem AGP 10-09/22 septembra 2022. godine u Bihaću, (na uvid)
- Ovlaštenje i Punomoć izdato na ime Selimović Mujaga iz Bihaća za aktivnosti ishodovanja upotrebne dozvole i vodne dozvole za navedeni objekat potpisano od strane direktora pravnog lica podnosioca zahjeva i ovjereno pečatom poduzeća.
- Izvještaj komisije za tehnički pregled od 28.03.2023. godine, imenovane Rješenjem gradonačelnika Bihaća broj 03/1-19-3-3786/22 od 08.12.2022. godine,

Nakon pregleda dostavljene dokumentacije, u skladu sa članom 21. stav 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 06/08), izvršen je obilazak proizvodnog pogona za proizvodnju betona sa pripadajućim manipulativnim površinama „Klostermeier-Majdan“ d.o.o. Bosanska Krupa, pogon lociran u Ulici Plješevička bb, naselje

Kamenica, grad Bihać, i tom prilikom sačinjen zapisnik o uviđaju broj: UP-1/21-3-40-664-2/23 od 13.01.2023. godine.

Osnovna namjena pogona je proizvodnja betona.

U krugu pogona locirani su slijedeći objekti: prostor za skladištenje agregata za proizvodnju betona, objekat betonare kapaciteta 9,9 m³, vertikalni silos za cement, metalni kontejner kao kancelarija sa sanitarijama za radnike, parking prostor za osobna vozila i radne mašine, te manipulativnog prostora. Radni i manipulativni prostor je tamponiran. Agregati za spravljanje betona se kamionima dovoze sa ovlaštenih kamenoloma u Bihaću i Bosanskoj Krupi. Voda za spravljanje betona se koristi sa javnog gradskog sistema.

Oborinske vode sa manipulativnog platoa pogona, koje mogu biti zauljene naftnim derivatima od radnih i transportnih mašina, te vode sa radnih prostora betonare i skladišta sirovine, koje mogu sadržavati opasne suspendovane materije, jednim dijelom se kupe u taložnik pored betonare, a drugim dijelom slijevaju na okolni prostor bez prethodnog tretmana.

Tehnička dokumentacija, na osnovu koje je dobiveno odobrenje za gradnju, je priložena na uvid. Do momenta izvršenja terenskog uviđaja je vršeno mjerenje kvaliteta otpadnih tehnoloških voda, pravno lice ima sklopljen sa ugovor sa ovlaštenim pravnim licem za vršenje istog.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka konstatuje se da je podnosilac zahtjeva, „Klostermeier-Majdan” d.o.o. Bosanska Krupa, ispunio minimum uvjeta za izdavanje vodne dozvole, kako je to regulisano članom 115. do člana 118. Zakona o vodama („Službene novine Federacije BiH”, broj 70/06) i članom 21. i 22. Pravilnika o sadržaju, obliku, uvjetima izdavanja i čuvanja vodnih akata („Službene novine Federacije BiH, broj 06/08, 57/09, 72/09 i 68/12), te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe na osnovu Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, broj 06/98 i 8/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta

Fuad Mujagić, dipl. inž.

**Po ovlaštenju
Rukovodilac sektora za izdavanje
vodnih akata**

Haris Ališehović, dipl. inž. građ.

Dostaviti:

- „KLOSTERMEIER-MAJDAN” d.o.o., Unska bb, 77 240 Bosanska Krupa
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava